

M078: Engelberger Gebete

6v,4 under stillen
6v,5 messe sprich diz gebet
6v,6 nû stên ich hier hêrre gagenwertic
6v,7 dâ man daz opfer segenet
6v,8 daz dir himelischer vater an deme
6v,9 kriuze geopferet wart vûre alle die
6v,10 kristenheit in der wârheite dînes
6v,11 trûtsunes . unsers hêrren Jesu Christi .
6v,12 nû ne bin ich des niuwet wirdic daz
6v,13 ich iemer dâ solte erschînen dâ sô grôz
6v,14 genâde unde heilicheit volbrâht
6v,15 wirdet . wan daz ich mich des troeste
6v,16 daz dû in santest in dise werelt ze eineme
6v,17 wâren opfere vûre alle dîne
6v,18 kristenheit . hilf mir hêrre hiute daz ich
6v,19 under dînen kinden beahtet müeze werden
6v,20 vûre der sælicheit dir diz gagenwertic
6v,21 opfer hiute volbrâht wirdet in der
6v,22 wârheit des heiligen lîchamen dînes
6v,23 trûtsunes . unsers hêrren Jesu Christi .
6v,24 hilf mir hêrre daz ich dâr einiu

7r,1 lîche der heiligen diemüete der muoz
7r,2 ich geniezen diu dir daz geriet daz dû
7r,3 ze sus getâner wîs unsich ze den hulden
7r,4 dînes vater brâhtest . dû ne santest engel
7r,5 noch enhein ander geschepfede nâch
7r,6 uns dû bist selbe komen nâch dîner hantgetât .
7r,7 ich geloube hier dîn heilige gagenwertige
7r,8 ich gere unde bite der heiligen
7r,9 gemeinede disses wâren offers daz
7r,10 iz mir hiute sî ein antlâz mîner sünde
7r,11 ein vestenunge mînes gelouben . ein lîpnare
7r,12 mînes lîbes unde mîner sêle ein riuwe
7r,13 mîner sünde ein bezzerunge mînes lebenes .
7r,14 ein warnunge und ein beschirmunge
7r,15 wider den tiuvel und alle sîne
7r,16 ræte hêrre Jesu Christe des lebentigen

- 7r,17 gotes sun . dû der mit den willen
 7r,18 des vater mit der gevrûmede des heiligen
 7r,19 geistes mit dîneme tôde erlidiget
 7r,20 hâst die kristenheit lidige mich
 7r,21 durch dînen heiligen lîchamen durch
 7r,22 dînes heiligen bluotes willen von sünden
 7r,23 unde von allem übele . mache
- 7v,1 mich gehôrsam dînen geboten . und en
 7v,2 lâz mich niemer von dir gescheiden werden .
 7v,3 qui vivis et regnas per omina saecula saeculorum
 7v,4 amen . de sancta Maria oratio
 7v,5 êwigiu maget vrouwe sante Maria
 7v,6 dû dâ bist ein kûningîn des himeles
 7v,7 unte der erde dû dâ bist ein trôst der
 7v,8 süntære und ein widersüenærîn der schuldigen .
 7v,9 dû dâ bist ein vrôuwede und ein êre
 7v,10 der guoten . dû dâ bist ein corona und
 7v,11 ein zierde aller heiliger megede . kêr
 7v,12 die dîne genædigen ougen ze mir vile armer
 7v,13 süntærîn . unde ruoche mich ze erkennene
 7v,14 under allen den die dich lûterlîche
 7v,15 minnen . heiligi maget sante Marîe
 7v,16 vogetîn und helfærîn aller dere die sich
 7v,17 an dich lâzent unde dir getrûwent
 7v,18 hilf mir genâden und antlâzes aller
 7v,19 mîner sünden umbe dînen sun Jesum
 7v,20 Christum der dir niuwet des en verseit
 7v,21 des dû in gebittest . hilf mir vrouwe
 7v,22 durch die genâde die er ze dir hât
 7v,23 getân dô er von dîneme reineme lîbe
- 8r,1 geruochte geboren werden wârer
 8r,2 got unde wârer mennische durch daz
 8r,3 heil unde durh di erloesunge aller der
 8r,4 werelte daz er mir vergebe allez daz
 8r,5 übel daz ich ie getete von des aneginnes
 8r,6 mînes lîbes unz an dise stunte .
 8r,7 heiligi muoter dû eine dâ bist an der
 8r,8 genâde und an der helfe wir unsich
 8r,9 alle versên . dû nâch gote unser einlîchiu
 8r,10 zuoversiht unde trôst bist . hilf
 8r,11 mir umbe dînen sun daz er durh
 8r,12 dîne wirde unde durh dîne underkumft
 8r,13 mîn sêle unde mînen
 8r,14 lîchamen gereine unde geliutere
 8r,15 von aller unreinicheit unde
 8r,16 von allen bôsheiten von allen

- 8r,17 meintæten . ê daz ich disses lîbes
8r,18 verwandele kûningîn der genâden
8r,19 bit Jesum dîn sun daz er mîniu laster
8r,20 von mir neme unde mich ervülle
8r,21 mit sînen heiligen tugenden . daz
8r,22 er nît unde haz vone mir geverre
8r,23 und allen übelen willen . daz
- 8v,1 er mir gebe bruoderlîche minne unde
8v,2 guoten willen . daz er alle hôhvert
8v,3 vone mir gevremede unde mir wâr
8v,4 diemuot gebe . daz er alle unreine
8v,5 gedanke und übel gelüste und
8v,6 unsûber giredede von mîneme geiste
8v,7 vertrîbe . unde mir reine gedanke
8v,8 unde kiusche giredede gebe . wârer
8v,9 mersterne von der uns daz êwige
8v,10 licht erschinen ist von der uns alliu
8v,11 genâde kômen ist habe mich in dîner
8v,12 gehuht und in dîneme gebete
8v,13 in alle zît vore gote daz ich dîn
8v,14 geniezen müeze daz ich alle die
8v,15 vreise unte daz übel disses lîbes entvliehe .
8v,16 unde nâch diseme lîbe den
8v,17 êwigen lîp besitze . ich bejihen dir
8v,18 vrouwe mîner sünde ich sende
8v,19 dich an dînen einborenen sun daz
8v,20 dû mich umbe in entschuldigest daz
8v,21 dû mir umbe in antlâz erwerbest .
8v,22 daz dû allen sînen zorn swâr
8v,23 sô ich sîn wirdic sî vone mir kêrest
- 9r,1 und in ze erbarmicheit über
9r,2 mich geneigest nû kêre himelischiu
9r,3 kûningîn dîn heiterez antlûtze ane
9r,4 mich süntærîn . unde geneige dîn
9r,5 miltez unde dîn genædigez gesiune
9r,6 ze mir vile unwirdigen . unde ruoche
9r,7 mich ze erkennene under allen dien
9r,8 die dîn lop emizigen die sich dîner
9r,9 êre vrouwen die dich lûterlîche minnen .
9r,10 mîn herze daz ger dîn slâfente
9r,11 unde wachente . mîn sêle türste
9r,12 nâch dir vruo unde spâte swenne sô
9r,13 ich an dich gedenke sô sî ich vrî von allem
9r,14 übele . der tiuvel der ne habe necheinen
9r,15 gewalt über mich . alle bekorunge
9r,16 verlâzen mich . diu himelische genâde

- 9r,17 beschouwe mich . alliu mîniu werc
 9r,18 die werden gevramspuotiget . in allen
 9r,19 mînen wegen sô muoz ich werden berihtet .
 9r,20 und alle mîne begünste unde
 9r,21 vlîze die bringe got ze guoteme ende
 9r,22 swenne sô ich dîn gedenke . nû hebe ich
 9r,23 mîn herze unde mîn hende ûf vrouwe
- 9v,1 zuo dir unde bitte dich durch die liebe
 9v,2 dînes trûtsunes daz dû geruochest
 9v,3 zuo mir ze komene mîn ze gewîsene
 9v,4 mit dînen heiligen megeden unde mit
 9v,5 allen heiligen swenne sô mîn sêle
 9v,6 von diseme lîbe scheide . gevrouwe unde
 9v,7 getroeste gotes muoter denne mîn
 9v,8 sêle mit dîner heiliger gagenwirte
 9v,9 unde loese mich von aller der vorhte
 9v,10 unde der egesôte satanae unde sîner
 9v,11 engele . entvâch mich denne under dîne
 9v,12 milten hende unde wis mîn leitærîn
 9v,13 unde mîn beschirmærîn . daz der übele
 9v,14 hellewarc mir weder vore mir noch
 9v,15 nâch mir geschaden müge olde zuo komen .
 9v,16 von der guotlîche dînes lûteren antlützes
 9v,17 sô vliehen unde zervaren alle mîne
 9v,18 vîende als der morgenwolken
 9v,19 von deme schîmen der sunnen dû wis
 9v,20 mir denne vrouwe ein getriuwer und
 9v,21 ein gewisser leitære . daz mir iuwet
 9v,22 gebreste daz ich iuwet geirre daz ich
 9v,23 iuwet erkome an der eisbæriger beschouwunge
- 10r,1 der vreislîchen antlütze
 10r,2 die ich dâ gesên muoz die porte der
 10r,3 himelischen Jerusâlêm die müeze ich offen
 10r,4 vinden von dînen genâden unde müeze
 10r,5 brâht werden von dir vrouwe
 10r,6 an des alleroberesten beschouwunge .
 10r,7 unde müeze dîner genâde geniezen
 10r,8 daz ich sîn vorhtsam unde sîn anclich
 10r,9 urteilede entvliehe . genædigiu maget
 10r,10 sante Maria daz erwelte goteshûs
 10r,11 des heiligen geistes dû dâ bist ein vluht
 10r,12 aller die sich verwûrket hânt und ein
 10r,13 widerladunge der verkêrten dû dâ
 10r,14 bist geheizt diu himelporte . wis denne
 10r,15 vore gote mîn vürespreche ergip dû
 10r,16 rede vüre mich . underwint dû dich

10r,17 mîner sache entschuldige mich und entrede
10r,18 mich hilfe mir denne heiligi
10r,19 vrouwe daz ich von dir unde von allen
10r,20 heiligen niuwet gesunderet werde
10r,21 unte daz ich wirdic erteilt werde
10r,22 der genôzschefte der himelischen
10r,23 koere von êwen unze êwen . âmen .